



Broj: KSI-17-89/23

Datum: 19.05.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“ broj: 19/21), postupajući po anonimnoj prijavi od 08.05.2023. godine protiv P. G., šefa Odjeljenja za privredni razvoj, sport i kulturu Vlade Brčko distrikta Bosne i Hercegovine, kao nosioca javne funkcije, na 56. sjednici održanoj 26.05.2023. godine, donosi

## ODLUKU

Postupak za odlučivanje o sukobu interesa protiv nosioca javne funkcije, P. G., šefa Odjeljenja za privredni razvoj, sport i kulturu Vlade Brčko distrikta Bosne i Hercegovine, neće se pokrenuti, obzirom da iz prikupljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta BiH, odnosno postojanja sukoba interesa.

## Образложење

Dana 08.05.2023. godine Komisija za odlučivanje o sukobu interesa zaprimila je anonimnu prijavu broj: KSI-17-89/23, radi sumnje na povredu odredaba Zakona, odnosno postojanje sukoba interesa protiv P. G., kao nosioca javne funkcije, šefa Odjeljenja za privredni razvoj, sport i kulturu Vlade Brčko distrikta Bosne i Hercegovine.

Naime, u prijavi je navedeno da je P. G., šef Odjeljenja u Vladi Brčko distrikta, a ispod njega po hijerarhiji J. A., šef Pododjeljenja za turizam, sport i kulturu, glavni mozak za izvlačenje novca, reketiranje klubova, pranje novca preko raznih kulturnih sadržaja gdje se dovode razne poznate zvijezde za višestruke cifre u odnosu na pravu vrijednost. Nadalje, navodi da pomenuti J. A. ucjenjuje sportske klubove da moraju da vrate dio novca ili neće prihvatiti njihovo pravdanje sredstava, te da je uveo da projekte iz oblasti sporta i kulture moraju da pišu određene osobe, kao i da moraju da im vode knjige samo određene knjigovođe ili inače neće moći dobiti sredstva i projekte kao i da je za vrijeme Covid pandemije isti organizovao pozorišne susrete on-line kako bi izvukao novac iz budžeta, te da je i plaćen online smještaj za glumce.

Takođe, podnosilac anonimne prijave zahtijeva od Komisije za odlučivanje o sukobu interesa da utvrdi sve relevantne činjenice, te ukoliko utvrdi postojanje povrede odredaba Zakona o sprečavanju sukoba interesa, primjeni odgovarajuće mjere.

Članom 2. tačka c) Zakona o sprečavanju sukoba interesa u institucijama Brčko distrikta BiH propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje suglasnost daje Skupština, odnosno Vlada, ukoliko drugim zakonom nije drugačije propisano.

Uvidom u Registar javnih funkcija i nosilaca javne funkcije, koje vodi Komisija, utvrđeno je da P. G. obavlja funkciju šefa Odjeljenja za privredni razvoj, sport i kulturu, na osnovu Odluke broj: 33-001013/23 od 20.03.2023. godine, te je obavezan postupati u skladu s odredbama Zakona o sprečavanju sukoba interesa u institucijama Brčko distrikta Bosne i Hercegovine. J. A. nije nosilac javne funkcije.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Komisija za odlučivanje o sukobu interesa je dopisom broj: KSI-17-89/23 od 12.05.2023. godine je tražila od Odjeljenja za privredni razvoj, sport i kulturu Vlade Brčko distrikta Bosne i Hercegovine dostavu podataka vezanu za postupak trošenja i isplate sredstava iz budžeta Brčko distrikta Bosne i Hercegovine, a koja su utrošena za manifestaciju „Dani pozorišta“ Brčko distrikta Bosne i Hercegovine, tokom 2020. i 2021. godine. Uvidom u dopis broj: 13-001348/23 od 19.05.2023. godine utvrđeno je da je Odjeljenje dostavilo traženu dokumentaciju vezanu za postupak trošenja i isplate sredstava iz budžeta Brčko distrikta Bosne i Hercegovine, a koja su utrošena za manifestaciju „Dani pozorišta“ Brčko distrikta Bosne i Hercegovine tokom 2020. i 2021. godine. Komisija je izvršila uvid u: Izvještaj o planiranim i ostvarenim troškovima manifestacije „37. Susreti pozorišta BiH u Brčko distriktu BiH“ broj: 39-000215/20 od 24.12.2020. godine; Kako slijedi: Ugovor Pododjeljenja za javne nabavke broj: 13-003104/23 od 21.12.2020. godine; Ugovor za koprodukciju i medijsko pokroviteljstvo-slijedeći i naloge za prijenos sredstava: 173540, 173541, 143542, 173543, 173544, 17,3545, 173546, 173547, 173572, 173638, 173639, 173574; Ugovor za izvođenje pozorišnih predstava i nalozi za prijenos sredstava: 173464, 173465, 173467, 173466, 173550, 173331, 173571, 173570, 173575; Troškovi hotelskog smještaja i reprezentacije fakture broj: 1029/20-HJ od 10.12.2020., 1003/20-HJ od 27.11.2020., 55/2020 od 19.11.2020., 56/2020 od 22.11.2020., 58/2020 od 23.11.2020., 59/2020 od 27.11.2020., 1002/20-HJ od 27.11.2020.; Ugovori o djelu i nalozi za prijenos sredstava od rednog broja 173501 do 173531 i od rednog broja 173533 do 173539; Nalozi za isplatu nagrada i prijenos sredstava: 173549, od rednog broja 173451 do 173462, 173699, 173700;

Izvještaj o planiranim i ostvarenim troškovima manifestacije „38. Susreti pozorišta BiH u Brčko distriktu BiH“ broj: 39-000031/21 od 21.01.2022. godine; Ugovor za koprodukciju i medijsko pokroviteljstvo i nalozi za prijenos sredstava: 175615, 175623, 175624, 175625, 175626, 175688, 175691, 175698, 175699, 175710, 175724, 175725, 175726; Ugovori za izvođenje pozorišnih predstava-Nalozi za prijenos sredstava: 175709, 175697, 175603, 175696, 175704, 175700, 175693, 175713, 175599, 175600, 175705, 175607, 175712; Troškovi hotelskog smještaja i reprezentacije fakture broj: 60/2021 od 19.11.2021., 61/2021 od 20.11.2021., 62/2021 od 20.11.2021., 63/2021 od 21.11.2021., 64/2021 od 22.11.2021., 65/2021 od 22.11.2021., 67/2021 od 24.11.2021., 68/2021 od 25.11.2021., 69/2021 od 26.11.2021., 0001834 od 01.12.2021., 1175/21-HJ od 27.11.2021., 1174/21-HJ od 27.11.2021.; Ugovore o djelu i nalozi sa prijenos sredstava: od rednog broja 175648 do 175687,

od rednog broja 175627 do 175647, 175722 i 175723; Isplata nagrada i nalozi za prijenos sredstava od rednog broja: 175714 do 175721.

Iz svega navedenog, a na osnovu prikupljenih podataka, dokumentacije i uvida u iste, utvrđeno je da P. G., šef Odjeljenja za privredni razvoj, sport i kulturu Brčko distrikta Bosne i Hercegovine, kao nosilac javne funkcije, nije povrijedio odredbe Zakona o sprečavanju sukoba interesa u institucijama Brčko distrikta Bosne i Hercegovine, odnosno da ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona od strane nosioca javne funkcije.

Vezano za ostala lica iz prijave Komisija nije nadležna, iz razloga što isti nisu nosioci javne funkcije. Takođe, u anonimnoj prijavi navedeno je da Komisija ispita eventualni sukob interesa A. D. i drugih lica. Komisija je odlučivala o istome u drugom postupku, te je Odluka i objavljena na internet stranici Komisije.

Slijedom navedenog, Komisija je donijela odluku kao u dispozitivu.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik  
Komisije za odlučivanje o sukobu interesa

Admira Mujić, dipl.pravnik

Dostavljeno:

- Anonimnom podnosiocu, putem oglasne table,
- Internet stranici Komisije
- Evidenciji
- Arhivi